

Kontuola

ANTZUOLA / Egubakoitza / 2002ko apirilaren 26a / 110. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com

GERBASIO LEGORBURU/TXISTULARIA

“Ez jat meritorik emoten nik eginddako lanari, gustora eginddakua izan da-eta”

AINZANE IRIZAR

Euskal Herriko Txistularien Elkarteak zilarrezko domina emango dio Gerbasiori. Horixe onartu zuten joan den domekan Urduñan egindako batzar nagusian, baina datorren urteko udaberri arte ez dute ekitaldia egingo.

Hasteko eta behin, zorionak. Pozik egongo zara, ezta?

Bai, oso pozik nago. Horrelako errekonozimenduak gustora hartzen dira. Dana dala, gauza bat argi esan bihar dot: alde batetik, lan asko egindda be, oso gustora eginddako lana izan da. Egin biharrekua zan nik egin dotena, eta parian tokau jat. Horretxegaittik, ez jat meritorik emoten nik eginddako lanari; neretako ez da sakrifiziua izan.

Beste alde batetik, esan bihar dot, domiña hori neuri emonda be, neure inguruan jente asko egon dala, eta dagola, mundu honetan lan egin dabena.

Zela hasi ziñen txistulari?

Gerra ostian hasi nitzan; Antzuolan beti egon izan da dantza talde ona. Santiago Sologaitoa, Pedro Telleria eta Pedro Igarza ibili ziren dantza taldeak. Gerra garaian desegin egin zan taldea. Gerra ostian, Inocencio Jauregik, lehen dantzari izandakuak, eta Bitor Estenagak dantza taldea



AINZANE IRIZAR

martxan jartzia pentsau zebe. Dantza taldiakin batera, txistulari taldea be eratzia pentsau zebe, eta horrelaxe hasi nitzan. Hama-

bost bat urte eukiko nittuan orduan. Zuzendarixa Enrike Jauregi zan, ni bigarren zuzendarixa nitzan, eta Luis Azkarate ata-

“Oso pozik nago; horrelako errekonozimenduak gustora hartzen dira”

“Gerra ostian hasi nitzan txistulari, Inocencio Jauregik eta Bitor Estenagak sortutako taldean”

“Poz haundixak emon dost neri txistulari izatiak; eta, horrekin batera, baita umoria be”

Gero, txistua eta dantza erakusten ere ibili ziñen.

Bai; txistulari bandako zuzendarixa izan nitzan urte askuan, baiña nik esango neuke zuzendarixa baiña gehixago irakasle izan nitzala. Nahi zebe danak etortzen ziran txistua ikastera. Dantzak erakusten be hasi nitzan, eta orain be jarraitzen dot. Seme-alabak txikixak zirala, eskolako umien gurasuok elkartu giñan, eta zapatu goizero aktibidadiak antolatzen giñuzen; nik dantzia erakusten notzen umiei. Ze izan da zure bizitzan txistua?

Buenooo! Poz haundixak emun dost neri txistulari izatiak; eta horrekin batera, umoria. Ez txistulari izatiak bakarrik, musikiak jeneralian. Koruan be ibili nitzan, eta kantuan egitteko afiziñua be beti euki dot. Musikiakin asko disfrutau izan dot nik. **Oin, 71 urte daukazu. Txistulari ofiziuaren ez dago erretiratzeko adiñik?**

Txistu ensaio baten ostian neri domiña emateko eskaeria egin bihar zebela esan zostenian, sorpresa ikaragarrixa hartu neban. Eta esan notzen, oraintxe danari lagatzia be pentsatzen hasi-tta nenguala. Izan be, kalejiretan, gorakuan, gero eta gehixago kostatzen jat putz egittia be. Baiña bueno, oingoz, behintzat, jarraitzeko asmua daukat.

bala. Silbote bat be komeni jakun, eta Fernando Azkarate hasi zan. Horrela, txistulari talde konpletua eratu giñuan.

UDALBILTZA

EHNA tramitatzea eskatu diote Udalarari mozio baten

AINZANE IRIZAR

Antzuolako Bai Euskal Herriari taldeak mozio bat aurkeztu zuen Udalean, egueneko osoko bilkuran udalbatzarrak azter zezan. Hain zuzen ere, mozio horretan Euskal Herriko Naziotasun Agiria tramitatzea onar dezala eskatu diote Antzuolako Udalarari.

Bai Euskal Herriari taldearen esanetan, duela urtebete pasatxo 125.000tik gora sinadura batu zituzten Euskal Herri osoan, Udalbiltzari euskal agiria edo txartela abian jar zezala eskatzeko, eta Antzuolan bertan ere ehunka sinadura batu zituzten. Euren esanetan, “beste herri batzuetan Udalbiltza hasia da horretan lanean”, eta “gure herrian ere euskal

naziotasun agiri hori egin nahiko genuke”, gaineratu dute.

Euskal Herriko Naziotasun Agiri horrekin, “askatasunez eta demokratikoki, Euskal Herriko edo Nazioko hiritar izateko nahia eta borondatea adierazi” nahi dutela azaldu dute Bai Euskal Herriari taldeko kideek.

Horrela, Euskal Herriko Naziotasun Agiria tramitatzea

eskatu diote Udalarari, aurkeztutako mozioaren bitartez.

Atzo, eguena, apirileko osoko bilkuran aztertzea zen udalbatzarrari Bai Euskal Herriari taldeak egin duen eskaera.

UDALAREN ZEREGINA

Antzuolako Udalak mozio hori onartzeak zera ekarriko luke: Antzuolako edozein herritarrek

EHNA eskatu ahal izango lukeela, eta horretarako eskaera-orriak udaletxeko bulegoetan eskuragarri izango lituzkeela.

Eskaera-orri horiek Udalbiltzako ordezkariak helaraziko lieke Antzuolako Udalak. Hortaz, bitartekari lanak egingo lituzke Antzuolako Udalak, Bai Euskal Herriari taldeak aurkeztu duen mozioa onartzekotan.



Antzuolako erretiratuek irteera egin zuten Nafarroara

Joan den apirilaren 11n (egüena), Nafarroara irteera egin zuten Antzuolako erretiratuek. 50 bat lagun joan ziren. Goizean goiz irten ziren herritik, eta Los Arcos aldera abiatu ziren. Han, upeleategi bat bisitatu zuten, eta hamarretakoa egiteko aukera ere izan zuten. Handik Lizarrara joan ziren; hango merkatua ikusi eta pare bat ordu izan zituzten herri hura bisitatzeko. Bazkaria Iraxen egin zuten; egia esan, eguraldiak ez zien batere lagundu, giro kaskarra izan zuten. Baina jate-txe barruan giro ezin hobea izan ei zuten, eta dantzarako aukerarik ere ez zitzairen falta izan./A.I.

KIROLA

Kadeteek liderraren aurka jokatu dute zapatuan Donostian

Kadeteak igoera faserako sailkatu ziren, baina justu samar ari dira. Zapatuan, gainera, taldeko lider Martuteneren aurka jokatu beharko dute. Martutene taldeak 13 partidutik 10 irabazi ditu eta 32 puntu dauzka; Antzuola, berriz, zortzigarren postuan dago, 10 punturekin.

Gaur jakingo dugu Berraondok mailari utsiko dion

Gaur, egubakoitza, jokatu du Aritz Berraondok Eskuz Banakako Txapelketako bigarren partidua, Sondikan. Xabier Imazen aurka jokatu beharko du, eta mailaz jaisteko arriskua dauka. Izan ere, Esainen aurka jokatu zuen lehen partidua, eta 22-4 galdu zuen. Bigarren partidua ere galduko balu, bigarren mailara jaitsiko litzateke. Oraindik ez da urtebete Berraondok bigarren mailako Eskuz Banakako Txapelketa irabazi eta lehen mailarako sarrera txartela irabazi zuela. Pena izango litzateke urteurrena ezin ospatu izana.

PARTIDUAK

FUTBOLA

Apirilak 27

16:30: Antzuola-Gazteak B (erreg.)

Apirilak 28

12:00: Antzuola-Elbartarrak (gazteak)

PILOTA

Apirilak 27 (Herriko pala txapelk.)

09:00etatik aurrera bost partidu

jokatuko dituzte

16:00etan beste partidu bat

EMAITZAK

FUTBOLA

Antzuola 3 Aloña Mendi 3 (neskak)

Antzuola 1 Billabona 3 (gazteak)

Antzuola 1 Ekintza 3 (kadeteak)

ATREBENTZIA EZ PADA/ Odola emoteko ohiturarik badaukazu?



MARINA GARCÍA
58 urte

Ez, ez naiz sekula odol emailia izan, eta horrelakorik planteau be ez dot egin sekula; izan be, osasun arazuak euki izan ditudut.



MAITE IGARZA
36 urte

Ez, ez dot emoten odolik; izan be, tentsiñuakin nahiko gaizki ibiltzen naiz, tentsiño bajua daukat. Osterantzian, emun-go neuke.



PEDRO ZUBIKARAI
61 urte

Hasieran bai, baiña urtiak dira ez dotela emon. Garai hartan, zortzi bat bider emon neban, baiña gero, ohiturria galdu neban, eta kitto.



DIONI AGUAYO
43 urte

Ez, baiña ezin dotelako. Hepatitis pasatu neban eta horretxegaitik ezin dot emon. Etxeko guztiak dira odol emailiak, neu izan ezik.



FERNANDO FERNÁNDEZ
34 urte

Ez, sekula ez dot emon; egixa esan, bildur pixkat emoten dost. Dana dala, uste dot egunen baten bildurra kendu eta hasiko naizela emoten.

LABUR

Maiatzaren 6an, astelehena, egingo dute odol ateratzea

Eguaztenean izan ohi dira odol ateratzeak Antzuolan, baina ohi ez bezala, astelehenez egingo dituzte aurtengo udaberriko odol ateratzeak. Maiatzaren 6an izango da hori, arratsaldeko 18:00etatik aurrera, parrokiako aretoan.

Urtean bi odol ateratze egingo dituzte herrian. 300etik gora odol emaila dago Antzuolan, eta elkarteetan esan digutenez, urtean barrena Bergarara ere joaten dira horietako asko, han hamabostean behin izaten dira-eta.



MUEBLES IGEA

Sukalderako eta bainurako altzariak
Altzari rustikoetan
espezializatuak

Zurrategi plaza 4, behea. ANTZUOLA. Tel. eta faxa 943 78 71 80



Juan Cruz
ARGAZKIAK

Herriko plaza 4. Tel. 943 78 70 66. ANTZUOLA